

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার  
সংখ্যা ১২১/২০১৮-১৯

ঢাকা, বৃহস্পতিবার ২০ ডিসেম্বর ২০১৮, ৬ পৌষ ১৪২৫

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

- ১। যেনতেনভাবে ক্ষমতায় আসতে চাই না : ব্যবসায়ী সম্মেলনে প্রধানমন্ত্রী
- ২। উন্নয়ন ও অগ্রগতির ধারাবাহিকতা রক্ষায় নৌকায় ভোট দিন : ভিডিও কনফারেন্সে প্রধানমন্ত্রী
- ৩। ফল প্রকাশে সামান্য ভুলে নির্বাচন ভঙ্গল হতে পারে : সিইসি
- ৪। অন্য সব বাহিনী ব্যর্থ হলেই সেনাবাহিনী অ্যাকশনে যাবে : নির্বাচন কমিশন
- ৫। ইন্টারনেটের গতি কমানোর পরিকল্পনা : ইসি সচিব
- ৬। গুজব রোধে পর্যবেক্ষণ টিম গঠন নির্বাচন কমিশনের
- ৭। বিদেশে বসে গুজব ছড়ালে ব্যবস্থা
- ৮। গ্রহণযোগ্য সংসদ নির্বাচন করতে চাই : নির্বাচন কমিশনার রফিকুল ইসলাম
- ৯। প্রচার উপকরণে জোট শরিকদের শেখ হাসিনা ও খালেদা জিয়ার ছবি ব্যবহারে মানা
- ১০। একজন রিটার্নিং কর্মকর্তা ও চার জন ওসি প্রত্যাহার
- ১১। প্রার্থীদের হয়রানি না করার নির্দেশ ইসির : আইজিপিকে চিঠি
- ১২। জাসদের নির্বাচন ইশতেহার ঘোষণা
- ১৩। থার্টিফাস্ট নাইটে ডিজে পার্টি নিষিদ্ধ
- ১৪। বিশ্বাসযোগ্য নির্বাচন চায় যুক্তরাষ্ট্র : মার্কিন রাষ্ট্রদূত
- ১৫। দুর্ঘ ও প্রাণিসম্পদ উন্নয়নে বিশ্বব্যাংকের সঙ্গে ৫০ কোটি মার্কিন ডলারের ঝণচুক্তি
- ১৬। সামান্য বৈদেশিক সাহায্য নিয়ে বিশ্ব অর্থনীতিতে সাফল্য বাংলাদেশের :  
নিম্নেই এশিয়ান রিভিউর প্রতিবেদন
- ১৭। আজ বিজিবি দিবস

চলমান পাতা-২

## **১। যেনতেনভাবে ক্ষমতায় আসতে চাই না : ব্যবসায়ী সম্মেলনে প্রধানমন্ত্রী**

প্রধানমন্ত্রী শেখ হাসিনা বলেছেন, যেনতেনভাবে ক্ষমতায় আসার কোনো ইচ্ছা তার নেই। তিনি বলেন, এখানে জনগণ ভোট দেবে, যাকে দেবে তারাই ক্ষমতায় আসবে। আমার এমন কোনো আকাঙ্ক্ষা নেই যে, যেনতেনভাবে ক্ষমতায় আসতে হবে। দেশে শান্তি বজায় থাকুক, দেশের মানুষ শান্তিপূর্ণভাবে ভোট দিয়ে তার সরকার পছন্দ করে নিক। সেই পরিবেশটা বজায় থাকুক, আমি সেটাই চাই। শান্তিপূর্ণ পরিবেশ থাকলে দেশ এগিয়ে যাবে। গতকাল (১৯ ডিসেম্বর বুধবার) বঙ্গবন্ধু আন্তর্জাতিক সম্মেলনকেন্দ্রে এফবিসিসিআই আয়োজিত ব্যবসায়ী সম্মেলনে এসব কথা বলেন প্রধানমন্ত্রী। সূত্র-সম্পর্ক (পৃ.১,ক.৭), ইন্ফোক (পৃ.১,ক.২), ইন্ডিপেনডেন্ট (পৃ.১,ক.২), ডেইলি সান (পৃ.১,ক.১)।

## **২। উন্নয়ন ও অগ্রগতির ধারাবাহিকতা রক্ষায় নৌকায় ভোট দিন : ভিডিও কনফারেন্সে প্রধানমন্ত্রী**

ভিডিও কনফারেন্সের মাধ্যমে দেশের ছয় জেলায় নির্বাচন জনসভায় অংশ নিয়ে প্রধানমন্ত্রী ও আওয়ামী লীগ সভাপতি শেখ হাসিনা দেশের চলমান উন্নয়ন ও অগ্রগতির ধারাবাহিকতা রক্ষায় নৌকা মার্কায় ভোট দিয়ে দলের প্রার্থীদের বিজয়ী করার জন্য দেশবাসীর কাছে উদাত্ত আহ্বান জানিয়েছেন। বিশাল চারটি জনসভায় চলমান বৃহৎ প্রকল্পগুলোর কাজ শেষ করার জন্য আওয়ামী লীগকে ক্ষমতায় থাকতে হবে উল্লেখ করে প্রধানমন্ত্রী বলেন, আবারও নৌকা মার্কায় ভোট দিয়ে সেবা করার সুযোগ দিন। সূত্র-জনকৃষ্ট (পৃ.১,ক.২) ইন্ফোক (পৃ.১,ক.২), ইন্ডিপেনডেন্ট (পৃ.১,ক.১), ডেইলি সান (শেষ পৃ.ক.১)।

## **৩। ফল প্রকাশে সামান্য ভুলে নির্বাচন ভঙ্গ হতে পারে : সিইসি**

ভোটের ফল সতর্কতার সঙ্গে প্রকাশের তাগিদ দিয়ে প্রধান নির্বাচন কমিশনার (সিইসি) কে এম নূরুল হুদা বলেছেন, ফল প্রকাশের সময় সামান্য ভুলে ব্যাপক অরাজক পরিস্থিতি তৈরি হতে পারে। তাই ফল গণনাকারীদের ভুলে নির্বাচন যেন পঙ্গ না হয়, সেদিকে লক্ষ্য রাখতে হবে। গতকাল (১৯ ডিসেম্বর বুধবার) আগারগাঁওয়ে ইটিআই ভবনে ইলেকশন ম্যানেজমেন্ট সিস্টেম (ইএমএস), ক্যান্ডিডেট ইনফরমেশন ম্যানেজমেন্ট সিস্টেম (সিআইএমএস) এবং রেজাল্ট ম্যানেজমেন্ট সিস্টেম (আরএমএস) বিষয়ক প্রশিক্ষণ অনুষ্ঠানে সিইসি এসব কথা বলেন। সূত্র-সম্পর্ক (শেষ পৃ.ক.৫), ইন্ফোক (পৃ.১,ক.৬), নিউজ টাইম (পৃ.১,ক.১), নিউ নেশন (পৃ.১,ক.৫)।

## **৪। অন্য সব বাহিনী ব্যর্থ হলেই সেনাবাহিনী অ্যাকশনে যাবে : নির্বাচন কর্মশন**

বাংলাদেশে ৩০ ডিসেম্বর অনুষ্ঠেয় নির্বাচনের ছয় দিন আগে সেনাবাহিনী মোতায়েন হবে, তবে তাদের কোন বিচারিক ক্ষমতা থাকবে না এবং অন্য সব বাহিনী পরিস্থিতি নিয়ন্ত্রণে ব্যর্থ হলেই কেবল তারা অ্যাকশনে যাবে। নির্বাচন কর্মশনের সচিব সংবাদমাধ্যমকে জানিয়েছেন, ২৪ ডিসেম্বর থেকে সেনাবাহিনী মাঠে থাকবে এবং স্টাইকিং ফোর্স হিসেবে সেনা সদস্যরা দায়িত্ব পালন করবেন। নির্বাচন কর্মশনার কবিতা খানম গতকাল (১৯ ডিসেম্বর বুধবার) বলেছেন, নির্বাচনের সময় আচরণবিধি ভঙ্গ বা আইনশৃঙ্খলা পরিস্থিতির অবনতি ঘটনার যেকোনো কর্মকাণ্ড টেকানো, অপরাধের বিচার এবং শান্তিরক্ষার জন্য দেড় হাজার ম্যাজিস্ট্রেট থাকবেন। সেনাবাহিনী ও বিজিবির সঙ্গেও ম্যাজিস্ট্রেটরা থাকবেন। সেনাবাহিনী ছাড়াও নির্বাচনের সময় মোতায়েন থাকবে পুলিশ, র্যাব, ও বিজিবি। প্রতিটি নির্বাচনি এলাকায় চার-পাঁচটি স্তরে আইনশৃঙ্খলা রক্ষাকারী বাহিনী থাকবে। সূত্র-জনকৃষ্ট (শেষ পৃ.ক.৫)।

## **৫। ইন্টারনেটের গতি কমানোর পরিকল্পনা : ইসি সচিব**

আগামী ৩০ ডিসেম্বর একাদশ জাতীয় সংসদ নির্বাচনের দিন ইন্টারনেটের গতি কমানোর পরিকল্পনা করছে নির্বাচন কর্মশন। তবে, ভোট গ্রহণ শেষে গণনার সময়ে ফলাফল পাঠানো ও ব্যবস্থাপনার সুবিধার্থে বিকালের পর থেকে ইন্টারনেটের গতি স্বাভাবিক রাখতে চায় কর্মশন। গতকাল (১৯ ডিসেম্বর বুধবার) নির্বাচনি প্রশিক্ষণ ইনসিটিউটে প্রযুক্তির মাধ্যমে ফলাফল পাঠানোর বিষয়ে ইলেকশন ম্যানেজমেন্ট সিস্টেম (ইএমএস), ক্যান্ডিডেট ইনফরমেশন ম্যানেজমেন্ট সিস্টেম (সিআইএমএস) ও রেজাল্ট ম্যানেজমেন্ট সিস্টেম (আরএমএস) সফটওয়্যার নিয়ে কারিগরি প্রশিক্ষণ অনুষ্ঠানে এমন কথা জানান নির্বাচন কর্মশন সচিব হেলালুদ্দীন আহমদ। সূত্র-ইন্ফোক (শেষ পৃ.ক.৫), জনকৃষ্ট (পৃ.১,ক.৫), অবজারভার (পৃ.১,ক.২), ডেইলি সান (পৃ.১,ক.৫)।

## **৬। গুজব রোধে পর্যবেক্ষণ টিম গঠন নির্বাচন কর্মশনের**

একাদশ জাতীয় সংসদ নির্বাচনকে সামনে রেখে গুজব প্রতিরোধে আট সদস্যবিশিষ্ট উচ্চ ক্ষমতাশালী একটি পর্যবেক্ষণ টিম গঠন করেছে নির্বাচন কর্মশন (ইসি)। গতকাল (১৯ ডিসেম্বর বুধবার) এক অফিস আদেশে এ টিম গঠনের কথা জানানো হয়েছে। নির্বাচন কর্মশন জানিয়েছে, এখন থেকে ২৪ ঘণ্টা এ টিম ফেসবুকসহ যে কোনো মাধ্যমে নির্বাচনকেন্দ্রিক গুজব রোধে কাজ করবে। এছাড়া অপপ্রচারও খতিয়ে দেখবে। নির্বাচন কর্মশনের জারি করা

মনিটরিং সেল সংক্রান্ত আদেশে জানানো হয়েছে, সেলের প্রধান হিসেবে দায়িত্ব পালন করবেন জাতীয় পরিচয় নিবন্ধন অনুবিভাগের মহাপরিচালক বিগেডিয়ার জেনারেল সাইদুল ইসলাম। সূত্র-সংবাদ (পৃ.১,ক.২), বণিকবার্তা (পৃ.১,ক.১), যায়যায়দিন (পৃ.১,ক.১)।

#### ৭। বিদেশে বসে গুজব ছড়ালে ব্যবস্থা

রাষ্ট্রের স্পর্শকাতর বিষয়, রাজনৈতিক পরিস্থিতি ও বিশিষ্টজন সম্পর্কে বিদেশে অবস্থানকারী কেউ মিথ্যা তথ্য দিয়ে গুজব ছড়ালে তাঁর ওয়ার্ক পারমিট বাতিলের ব্যবস্থা নিচে আইনশৃঙ্খলা রক্ষাকারী বাহিনী। এর মধ্যে এ ব্যাপারে যথোপযুক্ত ব্যবস্থা ও উদ্যোগ নিতে কূটনৈতিক চ্যানেলে রাষ্ট্রদূতদের চিঠি দিয়ে পুলিশের অপরাধ তদন্ত বিভাগ (সিআইডি)। এছাড়া ন্যাশনাল সেন্টার ব্যৱোর (এনসিবি) মাধ্যমে ইন্টারপোলকে জানিয়ে বিদেশ থেকে কয়েকজন গুজব রটনাকারীকে দেশে ফেরত আনার উদ্যোগও নেওয়া হয়েছে। গুজব মোকাবিলায় জনসচেতনতার পাশাপাশি সাইবার প্যাট্রোল জোরদার করেছে র্যাব ও পুলিশের সাইবার সিকিউরিটি বিভাগ। সূত্র-সমকাল (পৃ.১,ক.৭), ইন্ডেফাক (পৃ.১,ক.৬), অবজারভার (পৃ.১,ক.২), ডেইলি সান (পৃ.১,ক.২)।

#### ৮। গ্রহণযোগ্য সংসদ নির্বাচন করতে চাই : নির্বাচন কমিশনার রফিকুল ইসলাম

নির্বাচন কমিশনার রফিকুল ইসলাম ছঁশিয়ারি উচ্চারণ করে বলেছেন, নির্বাচনকে কেন্দ্র করে কেউ আইনশৃঙ্খলা পরিস্থিতির কোনো ধরনের অবনতি ঘটানোর চেষ্টা করলে তাদের বিরুদ্ধে কঠোতর ব্যবস্থা নেওয়া হবে। এখানে কে কোন দলের প্রার্থী সেটা আমাদের কাছে বিবেচ্য নয়। আমরা একটি গ্রহণযোগ্য একাদশ জাতীয় সংসদ নির্বাচন করতে চাই। গতকাল (১৯ ডিসেম্বর বুধবার) রংপুরে জেলা পরিষদ অডিটোরিয়ামে জাতীয় সংসদ নির্বাচন উপলক্ষে আইনশৃঙ্খলা পরিস্থিতিসহ সার্বিক বিষয়ে রংপুর বিভাগের পুলিশ, র্যাব, বিজিবিসহ প্রশাসনের উর্ধ্বতন কর্মকর্তাদের সঙ্গে বৈঠকশেষে সাংবাদিকদের ব্রিফিংকালে তিনি এসব কথা বলেন। সূত্র-ইন্ডেফাক (পৃ.১৯,ক.৫), সংবাদ (পৃ.২,ক.৬)।

#### ৯। প্রচার উপকরণে জোট শরিকদের শেখ হাসিনা ও খালেদা জিয়ার ছবি ব্যবহারে মানা

আওয়ামী লীগ ও বিএনপি নেতৃত্বাধীন জোটের শরিকরা পোস্টার, ব্যানার বা অন্য কোনো প্রচার উপকরণে দলীয় প্রধান হিসেবে শেখ হাসিনা কিংবা খালেদা জিয়ার ছবি ব্যবহার করতে পারবে না। গতকাল (১৯ ডিসেম্বর বুধবার) নির্বাচন কমিশন (ইসি) থেকে এ কথা জানিয়ে আওয়ামী লীগ ও বিএনপিকে চিঠি দেওয়া হয়েছে। চিঠিতে আরও বলা হয়েছে, কোনো নিবন্ধিত রাজনৈতিক দল জোটভুক্ত হয়ে নির্বাচন করলে তাদের প্রার্থী জোটভুক্ত অন্য দলের প্রতীক ব্যবহার করতে পারবেন। কিন্তু নিজ দলের প্রধানের ছবি ছাড়া অন্য কোনো দলের প্রধানের ছবি ব্যবহার করতে পারবেন না। সূত্র-সমকাল (পৃ.২,ক.৬), ইন্ডেফাক (শেষ পৃ.ক.৩), নিউ এজ (শেষ পৃ.ক.২)।

#### ১০। একজন রিটার্নিং কর্মকর্তা ও চার জন ওসি প্রত্যাহার

অভিযোগের মুখে একজন রিটার্নিং কর্মকর্তা ও একজন সহকারী রিটার্নিং কর্মকর্তাকে প্রত্যাহার করেছে নির্বাচন কমিশন। পাশাপাশি ঢাকা মেট্রোপলিটন পুলিশের রমনা, নোয়াখালীর সোনাইমুড়ি ও ঠাকুরগাঁও সদর, ব্রাক্ষণবাড়িয়ার বিজয়নগর থানার ওসি প্রত্যাহার করা হয়েছে। গতকাল (১৯ ডিসেম্বর বুধবার) নির্বাচন কমিশনার রফিকুল ইসলাম এ তথ্য জানান। তিনি বলেন, সুষ্ঠু নির্বাচনের স্বার্থে এ ব্যবস্থা নেওয়া হয়েছে। সূত্র-জনকর্ত্ত (পৃ.২,ক.১), ইন্কিলাব (শেষ পৃ.ক.৮), ডেইলি সান (শেষ পৃ.ক.৫), নিউ নেশন (পৃ.১,ক.২)।

#### ১১। প্রার্থীদের হয়রানি না করার নির্দেশ ইসির : আইজিপিকে চিঠি

নির্বাচনে সহিংসতা প্রতিরোধ করার পাশাপাশি প্রার্থীদের হয়রানি না করতে পুলিশ প্রধানকে (আইজিপি) নির্দেশ দিয়েছে প্রধান নির্বাচন কমিশনার (ইসি)। নির্বাচনি প্রচারণায় সমান সুযোগ নিশ্চিত করা এবং সুনির্দিষ্ট মামলার আসামি ও ফৌজদারি অপরাধ সংক্রান্ত আমলযোগ্য ছাড়া কাউকে গ্রেফতার বা হয়রানি না করার জন্য নির্দেশ দেওয়া হয়েছে। গতকাল (১৯ ডিসেম্বর বুধবার) পুলিশ সদরদপ্তরে এ সংক্রান্ত চিঠি পাঠানো হয়েছে। সূত্র-ইন্ডেফাক (পৃ.২,ক.৪), জনকর্ত্ত (পৃ.১,ক.৫)।

#### ১২। জাসদের নির্বাচনি ইশতেহার ঘোষণা

পরিবর্তনের ধারা সংহত করা ও এগিয়ে নেওয়ার লক্ষ্যে ৩৮টি প্রতিশ্রুতি দিয়ে নির্বাচনি ইশতেহার ঘোষণা করেছে ১৪ দলের অন্যতম শরিক দল জাতীয় সমাজতান্ত্রিক দল (জাসদ)। একইসঙ্গে শান্তি-উন্নয়নের ধারা অব্যাহত রাখতে প্রধানমন্ত্রী শেখ হাসিনার নেতৃত্বাধীন ১৪ দল ও মহাজোটের পক্ষে ভোট দেওয়ার আহ্বানও জানিয়েছে তারা। গতকাল (১৯ ডিসেম্বর বুধবার) বঙ্গবন্ধু এভিনিউস্ট শহীদ কর্নেল তাহের মিলনায়তনে একাদশ

জাতীয় সংসদ নির্বাচন উপলক্ষে জাসদের নির্বাচন ইশতেহার ঘোষণা করেন তথ্যমন্ত্রী হাসানুল হক ইনু ও জাসদ সভাপতি ঘোষণার সময় এ আহ্বান জানানো হয়। সূত্র-সংবাদ (শেষ পৃ.ক.৪), জনকর্ত (শেষ পৃ.ক.৩), নিউজ টুডে (শেষ পৃ.ক.৫), নিউ এজ (পৃ.১,ক.২)।

**১৩। থার্টিফাস্ট নাইটে ডিজে পার্টি নিষিদ্ধ**

ইংরেজি নববর্ষের প্রথম প্রহরে থার্টিফাস্ট (৩১ ডিসেম্বর) নাইটে ঢাকায় ডিজে পার্টি নিষিদ্ধ করা হয়েছে। আইনশৃঙ্খলা নিয়ন্ত্রণে এ সিদ্ধান্ত নেওয়া হয়েছে বলে জানিয়েছেন ডিএমপি কমিশনার মো. আছানুজামান মিয়া। গতকাল (১৯ ডিসেম্বর বুধবার) ডিএমপি হেডকোয়ার্টার্সে আয়োজিত সমন্বয়সভায় তিনি এ বিষয়ে নির্দেশনা দেন। সূত্র-সংবাদ (পৃ.১,ক.৮), ইন্ডিফাক (পৃ.৩,ক.৫), নিউজ টুডে (পৃ.২,ক.৪), ডেইলি সান (পৃ.৩,ক.৮)।

**১৪। বিশ্বাসযোগ্য নির্বাচন চায় যুক্তরাষ্ট্র : মার্কিন রাষ্ট্রদূত**

বাংলাদেশে অবাধ, সুষ্ঠু, অংশগ্রহণমূলক ও বিশ্বাসযোগ্য নির্বাচন চায় মার্কিন যুক্তরাষ্ট্র। এক্ষেত্রে নির্বাচনের আগে ও পরে কোনোভাবেই সহিংসতা কাম্য নয়। রাজধানীর হোটেল ওয়েস্টিনে গতকাল (১৯ ডিসেম্বর বুধবার) আমেরিকান চেম্বার (অ্যামচেম) আয়োজিত মধ্যাহ্ন ভোজসভায় বাংলাদেশে নিযুক্ত দেশটির রাষ্ট্রদূত রবার্ট মিলার এ কথা বলেন। সূত্র-যুগান্তর (পৃ.১,ক.৮), সংবাদ (পৃ.১,ক.৫), নিউ নেশন (পৃ.১,ক.৬), ফিনানশিয়াল এক্সপ্রেস (শেষ পৃ.ক.১)।

**১৫। দুর্ঘ ও প্রাণিসম্পদ উন্নয়নে বিশ্বব্যাংকের সঙ্গে ৫০ কোটি মার্কিন ডলারের ঋণচুক্তি**

বাংলাদেশের দুর্ঘ ও প্রাণিসম্পদ উন্নয়নে ৫০ কোটি মার্কিন ডলার ঋণ দেবে বিশ্বব্যাংক। স্থানীয় মুদ্রায় যার পরিমাণ চার হাজার ২০০ কোটি টাকা। ডিম, মাংস এবং দুধের উৎপাদন বৃদ্ধির মাধ্যমে দেশের পুষ্টি চাহিদা পূরণে এ ঋণ ব্যবহার করা হবে। গতকাল (১৯ ডিসেম্বর বুধবার) অর্থনৈতিক সম্পর্ক বিভাগের (ইআরডি) সম্মেলনকক্ষে বিশ্বব্যাংকের সঙ্গে সরকারের এ সংক্রান্ত একটি ঋণচুক্তি স্বাক্ষর হয়েছে। ইআরডির সচিব মনোয়ার আহমেদ এবং বিশ্বব্যাংকের ভারপ্রাপ্ত কান্ট্রি ডিরেক্টর ড্যানডান চেন চুক্তিতে স্বাক্ষর করেন। সূত্র-সমকাল (পৃ.১২,ক.৫), জনকর্ত (পৃ.১৮,ক.২), নিউজ টুডে (পৃ.৩,ক.১), ডেইলি সান বিজনেস পাতা (পৃ.১,ক.৫)।

**১৬। সামান্য বৈদেশিক সাহায্য নিয়ে বিশ্ব অর্থনীতিতে সাফল্য বাংলাদেশের :**

**নিকেই এশিয়ান রিভিউর প্রতিবেদন**

রাজনৈতিক এবং অর্থনৈতিক চ্যালেঞ্জ নিয়েও সমৃদ্ধির পথে এগিয়ে যাচ্ছে বাংলাদেশ। এশিয়ার প্রভাবশালী গণমাধ্যম নিকেই এশিয়ান রিভিউ তার এক প্রতিবেদনে এমন মন্তব্য করে বলেছে, ১৯৭১ সালে মহান মুক্তিযুদ্ধের সময় থেকে একটি ট্র্যাজেডির দেশ হিসেবে বিশ্ববাসীর কাছে পরিচিত হয়েছে বাংলাদেশ। দারিদ্র্য,+ প্রাকৃতিক দুর্ঘেগের সঙ্গে এ দেশের মানুষের লড়াই অনেক আগে থেকে হলেও সম্প্রতি মিয়ানমার থেকে পালিয়ে আসা সাড়ে ৭ লাখ রোহিঙ্গাকে আশ্রয় দিয়ে বিশ্বের সবচেয়ে বড় শরণার্থী সঙ্কটের সঙ্গে লড়াই করছে দেশটি। প্রতিবেদনে বলা হয়েছে, এত প্রতিকূলতার পরেও সামান্য বৈদেশিক সাহায্য নিয়ে বাংলাদেশ বিশ্বের অর্থনীতিতে অন্যতম সফলতার নির্দর্শন স্থাপন করেছে। আর এর পেছনে রয়েছে বাংলাদেশের উৎপাদন খাতের অবদান। বর্তমানে রফতানিতে বিশ্বের দ্বিতীয় অবস্থানে বাংলাদেশের পোশাক শিল্পখাত। পোশাক রফতানিতে দেশটির আগে রয়েছে শুধু চীন। গত এক দশক ধরেই বাংলাদেশের বার্ষিক প্রবৃদ্ধি গড়ে ৬ শতাংশের বেশি। যেটি এ বছরে জুনে প্রায় ৭ দশমিক ৮৬ শতাংশে দাঁড়িয়েছে। সূত্র-জনকর্ত (শেষ পৃ.ক.১), ইন্ডিফাক (পৃ.১,ক.৬), অবজারভার (পৃ.২,ক.৫), ইন্ডিপেন্ডেন্ট (শেষ পৃ.ক.২)।

**১৭। আজ বিজিবি দিবস**

বর্ডার গার্ড বাংলাদেশ (বিজিবি) দিবস আজ। দিবসটি উপলক্ষে পৃথক বাণী দিয়েছেন রাষ্ট্রপতি মোঃ আবদুল হামিদ ও প্রধানমন্ত্রী শেখ হাসিনা। একাদশ জাতীয় সংসদ নির্বাচন উপলক্ষে এর মধ্যে মাঠে রয়েছেন বিজিবির সদস্যরা। নির্বাচনের দায়িত্বে নিয়োজিত থাকায় এবারের বিজিবি দিবসের প্যারেডসহ অন্যান্য আনুষ্ঠানিকতা পরে হবে। সূত্র-সমকাল (শেষ পৃ.ক.৩), অবজারভার (পৃ.১,ক.১)।

**সম্পাদকীয়**

**ক.** **সমকাল :** চা উৎপাদনে যুক্ত হাজার হাজার শ্রমিকের দুঃসহ জীবনের কথা উল্লেখ করে চা বাগানগুলোর উন্নয়নে বাড়তি বিনিয়োগের পাশাপাশি শ্রমিকদের জীবনমান উন্নয়নে নজর দেওয়ার সুপারিশ।

- খ. যায়যায়দিন, বণিক বার্তা, যুগান্তর : ওয়াল্ট ইকোনমিক ফোরামের বৈশ্বিক লিঙ্গবৈষম্য প্রতিবেদনে নারী-পুরুষের সমতার দিক থেকে দক্ষিণ এশিয়ার সব দেশের উপরে স্থান পেয়েছে বাংলাদেশ ও নারীর ক্ষমতায়নের চারটি ক্ষেত্রে বাংলাদেশ বিশ্বের সব দেশের উপরে স্থান করে নিয়েছে এ তথ্যে সন্তোষ প্রকাশ করে এ অগ্রগতির ধারা অব্যাহত থাকবে বলে প্রত্যাশা ব্যক্ত।
- গ. বণিক বার্তা, সংবাদ : ভাঙ্গচোরা সড়কের কারণে যানবাহনে প্রতি কিলোমিটারে ১১ টাকা অতিরিক্ত ব্যয় হয় বাংলাদেশ কেন্দ্রীয় সড়ক গবেষণাগারের এক প্রতিবেদনে তা প্রকাশিত হওয়ার কথা উল্লেখ করে দ্রুত ভাঙ্গচোরা সড়ক পুনঃসংস্কারের মাধ্যমে পরিবহণ ব্যয় কমিয়ে আনতে যথাযথ উদ্যোগ নেওয়ার সুপারিশ।
- ঘ. জনকর্ত্ত : গৃহকর্মীদের সুরক্ষায় নীতিমালা প্রণয়ন হলেও আইন প্রণয়নের ক্ষেত্রে ঘাটতি রয়ে গেছে উল্লেখ করে এ ব্যাপারে নজর দেওয়ার সুপারিশ।
- ঙ. ফিনানশিয়াল এক্সপ্রেস : ধানের বাস্পার ফলন হলেও কৃষকরা ধানের ন্যায্যমূল্য পাচ্ছনা উল্লেখ করে এ ব্যাপারে কার্যকর পদক্ষেপ নেওয়ার ওপর গুরুত্বারোপ।
- চ. ইভিপেনডেন্ট : কুড়িগ্রামের নাগেশ্বরী উপজেলার পাঁচ হাজার পরিবারের মধ্যে এ বছর সরকার সৌর বিদ্যুৎপ্রাপ্তি নিশ্চিত করায় তাদের বিদ্যুতের চাহিদা পূরণ হয়েছে উল্লেখ করে সারাদেশে বিদ্যুতের ঘাটতি মোকাবিলায় এ দৃষ্টান্ত অনুসরণীয় বলে মতপ্রকাশ।
- ছ. নিউ নেশন : দরিদ্র ডায়াবেটিস রোগীরা স্বল্পমূল্যে যাতে ইনসুলিন পায় সে ব্যাপারে নজর দেওয়ার সুপারিশ।

#### উপসম্পাদকীয়

সংবাদ পত্রিকায় প্রকাশিত কলামে উল্লেখ করা হয়েছে, কৃষি শুধু গ্রামীণ অর্থনীতিই নয়, গোটা আর্থিকখাতে অবদান রাখছে।

#### নিবন্ধ ও ফিচার

ইন্ডোকাক পত্রিকায় প্রকাশিত ‘প্রতিবন্ধীদের প্রতি নেতৃত্বাচক দৃষ্টিভঙ্গি নয়’ শিরোনামের নিবন্ধে উল্লেখ করা হয়েছে, প্রতিবন্ধীদের যথাযথ কর্মসূচী শিক্ষার মাধ্যমে শিক্ষিত করে গড়ে তুললে তারা পরিবার, সমাজ বা দেশের জন্য কল্যাণ বয়ে আনবে।

#

ডালিয়া/মরজিনা/সাইদা/রশীদ/মাসুম/২০১৮/৯.০০ঘন্টা

